



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. II. De potestate sanctissimæ Virginis in dæmones, totúmque
infernium.

urn:nbn:de:hbz:466:1-45581

cæli letare, *Alleluja*; primo ita canente Choro; alter mox respondit illi: *Quia quem meruisti portare, Alleluja*: Et exin omnes simul concludebant: *Resurrexit, sicut dixit, Alleluja*.

Exempla
potestatis
Sanctissi-
mæ Virgi-
nis in om-
nes sanctos
in cælo,

Et Sanctus Gregorius, qui præfens aderat processioni universali, quam ipsemet indixerat, vidit tunc supra portam castri, quod hodie dum adhuc appellatur Castrum Sancti Angeli, quendam Angelum, qui evaginatum gerens in manu gladium, ad ostendendum, quod mandatum habuerit occidendi eundem reposuit in vaginam, in certæ signum victoriæ: Et San-

ctus Gregorius totus abreptus gaudio, suam conjungens vocem voci Angelorum, divinum hunc succinuit versum: *Ora pro nobis Deum, Alleluja*. Et ut verbo dicam, dominium, potentia, atque potestas suprema, quâ fruitur ipsa in cælo, ejusmodi est, ut omnes favores, quos recipimus à Deo in terris, ipsâ mediante procurentur nobis: Sed dominium ipsius non limitatur nec constringitur tantum in cælo, sed extenditur usque ad inferni abyssum profundum, abyssum penetravi. Descendamus illuc spiritu, illamque videamus & adoremus.

ARGUMENTUM.

De potestate Sanctissimæ Virginis in Dæmones, totumque infernum.

ARTICULUS II.

Supponendum est ab initio, declaratum fuisse à Deo bellum inter Sanctissimam Virginem & Dæmonem jam ab orbe condito: Sed observa, sacram Scripturam non solum dicere, quod condemnaverit Deus Dæmonem ad sufferendum genus quoddam inimicitæ particularis; cum non dicat: Inimicitiam ponam; sed dicat universaliter; inimicitias ponam inter te & mulierem, ad significandum omnis generis inimicitias, hostilitates, odia, aversiones: Et magnitudo horren- di hujus sup-

plicij potissimum apparet in tribus. Primum in ipsius latitudine absque limite: Secundum in ipsius duratione, absque fine: Et tertium in ipsius severitate, absque moderatione.

I. Quantum ad primum, edo- s. Chryso-
sta à Sanctis Patribus est veritas, log.
quæque multum habet verisimilitudinis, quod tanta sit antipathia infernum inter & Paradisum, ut damnati magis torqueantur à cælo ubi non sunt, quam ab inferno, ubi sunt: Ita de hac re loquitur Sanctus Chrysologus: *Plus tor-
quens*

quentur celo, quam inferno. Sed universalis hæc averſio evadit omnino particularis, ut sit majus unicuique damnatorum supplicium: Si accipias omnes universim, torquentur omnes universali Zelotypiâ, quâ exaſtuant erga Sanctos Paradisi; sed si speciatim ipsos accipias, quilibet ipsorum lethali effervescent rabiæ & invidiâ, adversus illum è Beatis, qui suum occupat locum, suamque possidet coronam, quam suâ perdidit culpâ. Ut hoc intelligas considera, quod, sicut Deus nunquam aliquem condidit, nisi ut faceret ex eo Beatum. Ita nec unicum solum relinquit, cui non destinaverit Thronum suum in Paradiso: Sed infelix hic damnatus, qui cecidit è suo ex culpâ suâ, dum intuetur ipsum ab alio possideri (eodquod complendus sit numerus prædestinatorum) tantâ exardescit rabiæ & Zelotypiâ erga ipsum, ut plus patiat ex parte hujus solius, quam ex parte omnium Beatorum; hæc tamen non appellatur, nisi inimicitia quædam particularis.

Verum non ita res agitur circa Sanctissimam Virginem; siquidem ipsius inimicitia erga omnes Dæmones, omnesque damnatos erat universalis, cumque averſio totius inferni erga ipsam similiter universalis sit, ab ipsâ solâ patiuntur tormentum magis intolerabile, quam à toto simul cœlesti Paradiso; siquidem ipsa Regina est, quæ com-

plectitur in solâ suâ Personâ totam potentiam Regni, quæque illam totam integram exercet & convertit adversus hosce miserabiles, ad ulciscendam injuriam Dei, sed modo tam terribili, ut dicatur, ipsam esse *terribilem, ut castrorum aciem ordinatam*; Habete ipsam solam sibi adversariam; majus est tormentum omnibus damnatis, quam si adversaria sibi haberet brachia totius simul Paradisi. Ecce, quanta sit latitudo inimicitiz; quæ nullis constingitur limitibus.

II. Et quantum ad durationem ipsius, omni hæc caret fine: Non limitatur ipsa ad certa loca, nec ad particulares quasdam occasiones; sed semper & ubique, omni tempore & omni loco, & omni occasione, ipsa impedit, ipsa subvertit cuncta pernicioſa inferni consilia; sufficit illam solam se opponere cunctis Dæmonibus, ipsa hos percellit terrore, ipsa hos agit in fugam solâ sui potentiâ Nominis: Ex quo funestam victoriam reportavit Dæmon ab initio mundi, de infelici nostrâ Naturâ humanâ, tantus in animâ nostrâ remansit terror, ut timeamus audito solùm Diaboli nomine, & efformemus signum Crucis, ad roborandum nos contra hunc timorem: Verum aspiciamus quoque cum gaudio, quod, postquam hic animarum nostrarum adversarius condemnatus est, ad tolerandum inimicitias æternas mulieris, nempe

Y Y Y Y Y z

San

Odium
Sanctissi-
mæ Virgi-
nis erga to-
tum infer-
num non
limitatur
nec tem-
poribus,
nec locis,

Marc. 16.
v. 19.

Sanctissimæ Virginis, remanlit in illo tantus hujus potentie pavor, ut contremiscat ad solum & unicum Nomen **MARIÆ**; ita ut ipsa dicere possit, quod Unigenitus ipsius Filius. *In nomine meo demones ejicient serpentes tollent, super agros manus imponent, & bene habebunt*; ita ut Majestas Nominis ipsius sit quoddam fulmen, quod conterat ipsis superbum caput, dum audiunt illud pronuntiari; ut virtus ipsius sanet morsus antiqui hujus serpentis, ut sanitatem afferat ægrotis, confortet nostram infirmitatem, dissipeturbationes animæ, & tentationes Diaboli. Hem!

Nomen Diaboli nos tenet, sed multo magis Nomen **MARIÆ** terret diabolum.

ut quid consuetudo nobis est scriptis, & potissimum in articulo Mortis, pronuntiandi hæc duo sacratissima simul Nomina: **JESUS**, **MARIA**, nisi quod exploratum habeamus, ipsa esse duo Nomina salutis? Repetimus illa conjunctim nec ab invicem volumus separare circumferimus illa & corde & ore, & præcipue in hora mortis eod quod illud agonis nostri & periculosissimæ contra demones luctæ sit tempus: Et experientia nos docet, non minus sacratissimum Nomen **MARIÆ**, quam adorantissimum Nomen **JESU**, percellere ipsos terrore, ipsosque agere in fugam: Ita ipsamet revelavit Sancta Birgitta: *Omnes Demones audito meo Nomine aufugunt.*

S. Birgitta,

Ab Incarnatione Salvatoris, & ex eo, quo divina Mater dedit ip-

sam mundo, Ecclesia nunquam cessavit concutere tremore Demones, sub potenti robore Augustissimorum Nominum, **JESU & MARIÆ**: Moverent ad commiserationem, si hæc digni essent, dum conspiciantur tremere, gemere, ululare & in desperationem agi, quando urgentur in obsessis divinorum horum Nominum potestate, cura quod unquam assuescere potuerint audiendis illis absque terrore; sed nunquam id potuerunt, eod quod inimicitia, quas excitavit Deus, quasque conservat inter **MARIAM & Demones**, æternæ sint, & nunquam finiendæ.

3. Sed tandem, ut verbo dicam tertium, quod ostendit, magnitudinem & vim hujus odij esse implacabilem: tam lethalis, tamque vehemens hæc est inimicitia, ut nullam omnino admittat moderationem: Verum est, ipsam in modum protervam ac obfirmatam esse, ex parte inferni contra Sanctissimam Matrem Dei: Nunquam enim nova prodierunt phalanges ex infernali Babylone ad oppugnandum fidem & fidelitatem Ecclesiæ, quæ non illico indixerint quoque bellum Sanctissimæ Virgini, ac si probe agnoscerent, se magis potentem, magisque formidabilem ipsa adversarium non habere; & hæc re ipsa Omnipotens est Amazon, quæ nunquam non illas everit ac conterit in quocunque orbis angulo, ubi suum præsumple-

Olium inter Sanctissimam Virginem & Diabolum, nullas habet limites, quoad robur suum,

Omnes a
tuz &
re hær
coarctat
hæc. s. s.
Virgine.

sumpserint attollere caput. Sic Ecclesia Catholica, ut gratam protectionis ipsius recolat memoriam, applaudit illi de triumphis super hæreses obtentis, ipsique omnem eorum attribuit gloriam, cantans cum gaudio: *Gaude MARIA Virgo, cunctas hæreses sola interemisti in universo mundo.*

Elapsa sæcula audierunt horrendas blasphemias Helvidianorum, Ebionitarum, Jovinianorum, Nestorianorum, & plurium aliorum contra Sanctissimam Virginem, sed hi amplius non sunt, omnes exterminati ab ipsa. Ultimum sæculum concussum fuit impietatibus, quas Lutherus in Germania, Calvinus in Gallia evomuerunt in ipsam; Et ultima hæresis, quæ minitatur adhuc ruinam Ecclesiæ in nostro hoc malè auspicato sæculo, quæque, ut verum dicam, non nisi est Echo hæreseos Galvini, pessimum Ectypum pessimi Archetypi, non meliores nutrit erga Sanctissimam Virginem affectus & sensa: Abominanda hæc novitias, quæ tota contrita fuerat per anathemata Ecclesiæ & suis omninò sepulta ruinis, respirat adhuc & clam obmurmurat in sepulchro suo, residuas suas vires abscondens dissimulatione sua: Si quidem ceu regulam ipsa tenet, quòd possit quis fingere, fallere, mentiri, & decipere in materiâ Religionis: quamvis execranda hæc hæresis, quæ profectò est una perniciosissimarum, quas evomujtin-

fernus in terram, nondum adhuc a pertè declaraverit indignissima sententia sua, quibus Sanctissimam Virginem prosequitur; nihilominus videre est, quòd magno afficiat ipsam contemptu: Et illa, qui melius agnoscunt occultum venenum, quòd sovet in corde suo, pro certo tenent, eam adversari non minus ipsi, quàm JESU Christo, maximasque in sinu nutrire impietates.

Apage monstrum infernale, inevitabilis est ruina tua, eò quòd oppugnate audeas Sanctissimam & potentissimam Matrem Dei, & imitando rabiem omnium antiquarum hæresum, quæ gloriæ ipsius sese declarantur hostes ostendas te esse, sicut ipsas, è stirpe & progenie antiqui illius serpentis, quem condemnavit Deus, ut æternum toleraret Mulieris istius odium: Quid expectare potes, nisi quòd eadem cum ipso tibi fors sit subeunda? Ita, eodem conficieris supplicio: *Ipsa conteret caput tuum: Caput tuum conteretur, & interibis infallibiliter; incassum fingis, simulas & dissimulas; invanum abscondis te speciosorum folijs verborum: quando descenderis usque in profundum abyssi, Omnipotens, victorijque insignis Adversaria te persequetur usque illuc, ut conterat tibi Caput: Et profundum abyssi penetravi; Et ipsa conteret caput tuum.*

* * *
Yyyyyy ; ARGU.